

Bosna i Hercegovina
Federacija Bosne i Hercegovine
KANTON SARAJEVO
MINISTARSTVO UNUTRAŠNJIH POSLOVA
Uprava policije
SARAJEVO

Broj: 02/2-02-2-6059/19.

Datum: 15.11.2019. godine

18-11-2019
2905/19
01-7
Bosna i Hercegovina
Federacija Bosne i Hercegovine
KANTON SARAJEVO
MINISTARSTVO UNUTRAŠNJIH POSLOVA
SARAJEVO

Primljeno: 18-11-2019			
Org. jed.	Klasif. oznaka	Radni broj	Broj priloga
01	022-6209		

MINISTARSTVO UNUTRAŠNJIH POSLOVA KANTONA SARAJEVO-Šekretaru

PREDMET: Zastupničko pitanje zastupnika Hameda Aljovića,
odgovor, dostavlja se;

Veza: Vaš akt broj: 01-02-2-6209/19 od 11.11.2019.godine

Na 14. Radnoj sjednici Skupštine Kantona Sarajevo održanoj dana 30.10.2019.godine zastupnik Hamed Aljović postavio je **zastupničko pitanje:**
„Molim Ministarstvo unutrašnjih poslova KS, da mi odgovori koje mjere će se poduzeti da se obustavi organizovana krađa šume na području MZ Tarčin, općina Hadžići i MZ Rakovica općina Ilidža ? Sve gore navedeno se odvija u saradnji sa pojedinim radnicima MUP-a i šumarima.”

Odgovor:

Akcionim planom za provođenje strategije Uprave policije -MUP-a Kantona Sarajevo, predviđeno je plansko djelovanje organizacionih jedinica Uprave policije na prevenciji krivičnih djela protiv okoliša, u koja pored drugih propisanih krivičnih djela, spada i krivično djelo šumske krađe. U planiranju svojih aktivnosti policijski službenici se nisu samo bazirali na krivična djela iz ove oblasti nego je fokus rada usmjeren i na činjenje prekršaja koji se počinje nezakonitom sječom drveta. U tom smislu policijski službenici Uprave policije, pored ostalih zadataka i obaveza koje obavljaju u svakodnevnom radu, vrlo aktivno i planski preduzimaju mjere i radnje na sprečavanju nekontrolisane i nezakonite sječe šume, kroz kontrole vozila i vozača na lokalitetima i putevima za koje postoje informacije da su trase kretanja, odnosno mjesta gdje se vrši eksploatacija, odnosno prijevoz nezakonito posječenih drvnih sortimenata. Kada su u pitanju rezultati rada u ovoj oblasti prednjači Šesta policijska uprava čiji policijski službenici i djeluju na područjima koje se spomenuta u zastupničkom pitanju.


Ovakve i slične aktivnosti će se nastaviti i u narednom periodu, s tim da je potrebno naglasiti da uspjeh u realizaciji ovih poslova ne zavisi samo od policijskih službenika, nego i od drugih relevantnih faktora i nadležnih institucija u sistemu gazdovanja, upravljanja i kontrole sječe šume. Moramo naglasiti da je dana 24.09.2019.godine na inicijativu Ministarstva privrede Kantona Sarajevo održan radni sastanak na kojem su pored Ministra privrede prisustvovali, policijski službenici Uprave policije MUP-a Kantona Sarajevo, Direktor Uprave za šumarstvo Kantona Sarajevo, Direktor JP "Sarajevo-šume" i Glavni inspektor Kantonalne uprave za inspeksijske poslove.

Na pomenutom sastanku, direktor Uprave za šumarstvo je iznio zahtjev da se policijski službenici u narednom periodu pozicioniraju u blizini šumskih puteva i na taj način daju doprinos u sprečavanju bespravne sječe.

U vezi sa predmetnim, priustni su upoznati da će Uprava policije postupiti po svakom zahtjevu za pružanje pomoći, na način propisan važećim zakonskim i podzakonskim propisima ali da je potrebno da i drugi organi, preduzmu mjere i radnje iz svoje nadležnosti kako bi se planski pristupilo rješavanju navedene problematike. Svaki zahtjev za pružanje pomoći, koji bude upućen Upravi policije, mora sadržavati elemente po kojima se Uprava policije može odrediti u smislu radnje koju poduzimaju Uprava za šumarstvo, Uprava za inspekcijske poslove i preduzeće Sarajevošume, lokaliteta i vremena aktivnosti i podatke o eventualnim problemima i otporu koji se može očekivati. Također, na pomenutom sastanku Uprava policije je zainteresovanim ponudila pomoć u pripremi i provođenju prekršajnog postupka i drugim procesnim postupcima u smislu razmjene iskustava

Međutim, do danas Upravi policije, nije dostavljen bilo kakav zahtjev za pružanje pomoći u smislu preveniranja nezakonite sječe i odvoza drvnih sortimenata.

Bez obzira na naprijed navedeno policijski službenici Uprave policije će i u narednom periodu vezano za predmetnu problematiku, nastaviti sa provođenjem planskih aktivnosti i preduzimanjem mjera i radnji iz svoje nadležnosti. Što se tiče nezakonite sječe šume kao događaja koji ima obilježje krivičnog djela, bez obzira na činjenicu ko su izvršioci istog, policijski službenici Uprave policije će pod nadzorom i po uputama nadležnog tužilaštva preduzimati sve potrebne mjere i radnje na njihovom procesuiranju.



POLICIJSKI KOMESAR
Generalni inspektor policije

Nusret Selimović